

# РУСКИ НОВИНИ

ЗА РУСИНОХ У КРАЛЪОВИНИ СХС

Рок IV.

Нови Сад, штварток 12. мая 1927.

Ч. 19 (126)

Виходза раз у тижню.

Цена на цали рок 100 Динари.

На 1/2 рока 50 Динари.

За Америку 4 долари на рок

Укописи и други писма треба  
посилац на адресу:

РУСКИ НОВИНИ" НОВИ САД  
Бојовићева улица број 2.

Претплату на РУСКЕ-НАРОДНЕ  
ПРОСВИТНЕ ДРУЖТВО, РУСКИ  
КРСТУР (Бачка).

## Чувайме

### народну свідомосц

Були часи, кед ше три-мало, же просвищеносцлем за богачох, — панцину.

Тоти часи уж прешли. Наука, дакеди приступна лем богачом и панцини, постаła нас шицких.

Особено у XX. вику, а тиж по шветскей войни, каждая нація увидзаюци вредносц и моц науки, ружела шицку свою силу, да би ше цо баржей прошвициц. Па то уж нешка розумнейше и возможнейше, кед ше карта европских державох состої на националних гранцох. Ружомно вец, же прецо кажди дзвига свойо.

Нешкашні держави вельо жертви даваю на школи! Од школох и виходзи просвищенє, моц єдного народа.

У нашей держави, як народна меншина по закону маме право на школску наставу. А ак ю ми вихаснуєме, то их небарс бригує. А ту ми мушиме водзиц найбаржей рахунок. „Як пошеєме, так будземе мац“, гвари народна присловка. У школи мушиме почац, положиц камень будушцого живота. Наслїдки вец буду добри.

Частейше сом могол чуц од оцох, хтори неподобни дзеци затримую дома, не знам пре яки причини, „ша досц уж ходзел до школи! Волї ми вон дацо дома, або на полю помочи!“ Па вец ше обрацаю зос вигварку у их младих часох, же и вонї не кладли вельо поваги на школу. За теди ше могло пребачиц, але нешка су прилики зошицким други. Нешка ше нам кладзе вопрос нашей егзистенциї як Русинох. А кед сцеме то остац, мушиме давац вельо векшу, найвекшу повагу школи, бо нам вона

будзе главни слуп у нашим живоце.

Кед би зме пошли назад до хисторії наших дїдох, увидзели би зме шицки их причини слабого интелектуалного живота. Але на другим боку и як ше их живот дзвига до хероизма. Вони дали надчловечески моци, над хторима нам розум става. Прешли вони церньову драгу. А ми тераз маме крочиц глїбше и шмелше, кед себе сцеме улепшац живот и очувац мено. Их живот нам годзен буц добри водитель нашей дальшей драги и цель живота.

Их живот не виложени на паперу, да би нам бул поук и слика тедишних горких у нешкашних лепших часох. Частейше би нас вон здогадац, але прешлосц ше забува и остава лем як спомен, — або пак служи як мала забава у предлугих часох. Забуваме на кирвави зной забуваме на неприлики морални, духовни и економически цо их вони зношели на каждом початку и концу своїх дїлох, место да нам вони буду розпалени луч; забуваме далей на сами их трапези и церпеня, квиленя и непочитованя, хтори вони лїгали на каждом крочаю. Чудно то, але є так. Прилики кус лепши наступели, и дораз ше забува прешла горкосц.

Прешли вельо роки. Були вони векшином горки, але два найглавнейши вопросы ставляли ше на лїцо их живота: жиц и очувац дїдовске мено а зос тим бул скапчани природни инстинкт богаценя.

Време прешло. Чи добре? — Яголем шлебодно можем дац одвит, же є за на-

шу потїху! У морю цудзинства ше не лем очували, але и обогацели. То крашне, кед вежнеме, же моц єдного народа овийши и о його економским богатству. Число нас векше. Але ту и друга страна душевна — бо душевна страна, свідомосц слога вона ше каждого дня баржей траци. У место да ю дзвигаме, правда и то ше роби, але ту не шицки учасуєме — препущуєме першенство и заш животней праци. Єдна наша слаба страна. Чи можеме духовну культуру високу даяку питац од своих дїдох? Ша вони не мали анї отрошинки шлебоди. Єдна у них була велька надїя и воля: Принєсли добре шерцо наполнєте з любовию и волю за роботу. То були их богат-

ства, место наших нешкашних ланцох, хтори нам исто вони охабели, место торбискох пенєжох.

Нас єст мало? Але ту ше не пита число, нумера, але єдна друга ствар, єдна краша и вища — свідомосц, през хторей человек не може екзистирац. Бо кед свою страци, вон прима цудзу. Вона цошка найвише, найкраше и наймилше, вона дава моци и сили проци шицким преприятством, хтори ше кладу на драгу народного цилю. Вона — национална свідомосц, — тота луч хтора нас распольє дзекеди до хероизма. А ю кед страциме, то зме и ми страцени. А другому служиц? Напуциц мено и крєв своих дїдох?! Чувайме народну свідомосц!

М. Р. Янков.

## У нашом отечеству

### Политическе положєнє.

Положенїє нешкашней влади постава вше чежше, бо а нї радикалска а нї демократска партія не пристава уз ню. Прето ше влада бої вийсц пред парламент. И радикали и демократи сцу, да ше празни министарски места пополни и да ше влада вияви у своїм характеру, чи то виборна влада або за роботу зос парламентом. По мнїню Дра Корошца влада будзе проводзиц и виберанки, зос тих виберанкох ма вийсц цалком нови парламент, котри ше зийдзе на 20 октобра и прето виберанки маю ше росписац најпознейше до 20 юна.

### Партийна агитация.

В недзелю отримали политически збори радикали (Ивановичевци) у Сомборе и Прибичевич у южней Сербїи.

### Садзене хмелю у нашей держави.

У новши часи вше баржей земледлїци садза хмель а не патра а нї на корене анї на

жем, чи згодна за хмель. Велї ше прето боя, чи не настрадаю, бо до хмелю треба вельо уложиц. Наша министерія явля, же за тераз нет опасносци, бо ше хмель вше баржей гледа. У Баварскей уничтожела филоксера 60% хмелярства и тераз ше роби на тим, да ше заш поправи. Накеди Немци а особено Баварци на нови подзвигню свой хмель, теди сигурно же и нашому цена сладне т. й. куповац ше будзе найфиньши и найлєпши.

### Виронаука у гимназийох.

Католически и православни владикове одлучно захтевали у министерїи Прєсвити, да ше виронаука преподава у шицким класох гимназийох. Министерія усвоєла предложєнє владиких.

### На крилатици од Паризу до Индиї.

Два нашо найлєпши пилоти. Т. Сондермаєр и Л. Байдак дали ше на драгу зос нашими крилатицама од Паризу до Индиї. Вони тоту драгу котра виношує 14.860 килом. прелєцели





